



Broj predmeta: 13-002060/19
Broj akta: 18-1302MG-009/19
Datum, 2.10.2019. godine
Mjesto, Brčko

Na osnovu člana 30a. Zakona o javnoj upravi („Službeni glasnik Brčko distrikta BiH“, broj: 19/07, 2/08, 43/08, 9/13 i 48/16), Zakona o izvršenju Budžeta Brčko distrikta BiH za 2019. godinu („Službeni glasnik Brčko distrikta BiH“, broj 09/19 i 16/19) i člana 8. stav (1) Odluke o usvajanju kriterija i procedura za dodjelu grantova za sufinansiranje projekata Evropske unije i drugih donatora, broj predmeta: 13-002060/19, broj akta: 01.11-1161DS-007/19 od 24. 9. 2019. godine, Odjeljenje za evropske integracije i međunarodnu saradnju objavljuje

JAVNI POZIV
ZA DODJELU GRANT SREDSTAVA ZA SUFINANSIRANJE PROJEKATA
EVROPSKE UNIJE I DRUGIH DONATORA U 2019. GODINI

I. Predmet raspodjele su sredstva predviđena Budžetom Brčko distrikta BiH za 2019. godinu, organizacioni kod 31030001 – Pododjeljenje za koordinaciju pomoći Evropske unije, regionalnu saradnju i harmonizaciju propisa, ekonomski kod 614300 – Grantovi neprofitnim organizacijama.

II. Svrha dodjele grant sredstava za sufinansiranje projekata je da se doprinese unapređenju pojedinih oblasti u Brčko distriktu Bosne i Hercegovine (u daljnjem tekstu: Distrikt), posebno:

- a) procesa evropskih integracija i međunarodne saradnje;
- b) ekonomskog razvoja;
- c) društvenog razvoja;
- d) razvoja civilnog društva;
- e) borbe protiv korupcije;
- f) jačanju kapaciteta institucija Distrikta;
- g) odgovora na katastrofe i vanredne situacije.

III. Prihvatljivost podnosioca zahtjeva

Pravo učešća u raspodjeli grant sredstava za sufinansiranje projekata po javnom pozivu imaju podnosioci zahtjeva koji su registrovani i imaju sjedište u Distriktu pod uslovom da su već osigurali dio sredstava od Evropske unije ili drugog donatora za realizaciju projekta na području Distrikta za koji se traže grant sredstva za sufinansiranje, kao i saglasnost nadležnog organa javne uprave ukoliko se projekt odnosi na jačanje kapaciteta institucija Distrikta.

Podnosiocima zahtjeva se ne mogu dodijeliti sredstva, ukoliko prethodno nisu opravdali potrošnju svih dodijeljenih sredstava u posljednje 3 (tri) godine.

IV. Prihvatljivost projekta za sufinansiranje

Grant sredstva za sufinansiranje su dostupna za sufinansiranje dijela odobrenog projekta koji ima neprofitan karakter, a koji ima osigurano finansiranje iz:

- a) Instrumenta pretpristupne pomoći (IPA);
- b) programa Evropske unije u kojima sudjeluje Bosna i Hercegovina;
- c) programa bilateralne pomoći dostupnih Bosni i Hercegovini;
- d) programa multilateralne pomoći dostupnih Bosni i Hercegovini;
- e) programa drugih međunarodnih i domaćih organizacija i institucija.

Podnosilac zahtjeva ne može podnijeti više od jednog zahtjeva za sufinansiranje projekata tokom jednog javnog poziva.

V. Prihvatljivost troškova

Projekat se može sufinansirati samo za nedostajući dio sredstava za finansiranje odobrenog projekta koji se realizuje na teritoriji Distrikta, isključivo u skladu s odobrenim budžetom projekta.

Nedostajući dio sredstava se odnosi na dio troškova budžeta projekta odobrenog od strane donatora za koji nisu osigurana sredstva iz drugih izvora, isključujući vlastite izvore podnosioca zahtjeva koji mogu biti finansirani iz grant sredstava za sufinansiranje.

Grant sredstva za sufinansiranje projekta koji se dodjeljuje po ovom javnom pozivu za dodjelu grant sredstava za sufinansiranje projekata mogu se odobriti samo za projektne aktivnosti koje se realizuju nakon zatvaranja javnog poziva, a nakon što Vlada Brčko distrikta Bosne i Hercegovine donese odluku kojom odobrava program utroška grant sredstava za sufinansiranje projekata Evropske unije i drugih donatora po javnom pozivu za sufinansiranje projekata.

Ukoliko je realizacija projekta u toku, grant sredstva za sufinansiranje projekta ne mogu biti korištena za sufinansiranje projektnih aktivnosti koje su realizovane prije datuma zatvaranja javnog poziva za dodjelu grant sredstava za sufinansiranje projekata.

Ukoliko se projektne aktivnosti ne završavaju u tekućoj fiskalnoj godini, grant sredstva za sufinansiranje projekta se odobravaju za projektne aktivnosti do završetka cjelokupnog projekta, uz obavezu isplate cjelokupnog iznosa odobrenih grant sredstava za sufinansiranje projekta u tekućoj 2019. godini.

Najviši nominalni iznos grant sredstava za sufinansiranje projekta koji se može dodijeliti iznosi 15.000,00 KM (riječima: petnaest hiljada konvertibilnih maraka).

Podnosilac zahtjeva može podnijeti zahtjev za sufinansiranje projekta koji ranije nije sufinansiran iz budžeta Distrikta.

VI. Prihvatljivost projektne teritorije

Grant sredstva za sufinansiranje projekata mogu se dodijeliti samo ukoliko se projekat realizuje na području Brčko distrikta Bosne i Hercegovine.

Ukoliko se projekat samo djelimično realizuje na području Distrikta, podnosilac zahtjeva za sufinansiranje projekta može aplicirati samo za nedostajući dio troškova projekta koji se ostvaruju na teritoriji Distrikta.

VII. Dostavljanje prijave

Prijava sa zahtjevom za sufinansiranje projekta dostavlja se Odjeljenju za evropske integracije i međunarodnu saradnju na predviđenom obrascu za prijavu zahtjeva za sufinansiranje projekata koji je sastavni dio ovog javnog poziva.

Uz prijavu se prilaže cjelokupna projektna dokumentacija u obliku u kojem je odobrena od strane donatora i rješenje o registraciji pravnog subjekta izdato od Osnovnog suda u Brčkom.

VIII. Administrativna provjera prijave

Šef Odjeljenja za evropske integracije i međunarodnu saradnju imenuje komisiju za razmatranje prijave sa zahtjevom za sufinansiranje projekata. Komisija vrši otvaranje prijave najkasnije 15 dana od dana zatvaranja javnog poziva.

Nakon otvaranja prijava, Komisija vrši administrativnu provjeru prijave i utvrđuje ispunjenost sljedećih eliminacijskih kriterija:

- a) prijava dostavljena na predviđenom obrascu;
- b) obavezni podaci u prijavi u potpunosti ispunjeni;
- c) obrazac prijave popunjen na ispravan način;
- d) prihvatljivost podnosioca zahtjeva ispunjena;
- e) prihvatljivost projekta za sufinansiranje ispunjena;
- f) prihvatljivost troškova ispunjena;
- g) prihvatljivost projektne teritorije ispunjena.

U slučaju podnošenja prijave sa zahtjevom za sufinansiranje projekta za koji su već odobrena grant sredstva za finansiranje navedenog projekta iz budžeta Distrikta, prijava će biti odbačena tokom administrativne provjere.

U slučaju da podnosilac zahtjeva za sufinansiranje projekta nije opravdao potrošnju dodijeljenih sredstava iz budžeta Distrikta u posljednje 3 (tri) godine, prijava će biti odbačena tokom administrativne provjere.

Ukoliko ocijeni potrebnim, komisija može zatražiti od podnosioca zahtjeva da u roku od 5 (pet) dana u pismoj formi obrazloži pojedine elemente prijave.

Samo prijave koje se u administrativnom dijelu ocijene kao potpune uvrštavaju se u sljedeću fazu ocjenjivanja i bodovanja.

IX. Bodovanje prijava i sačinjavanje rang-liste

Nakon administrativne provjere prijava, će se izvršiti bodovanje prijava koje su prihvaćene u okviru administrativne provjere. Svaki od tri člana Komisije daje ocjene u rasponu od 1 do 5 za sljedeće osnovne kriterije:

- a) doprinos projekta u procesu evropskih integracija i međunarodnoj saradnji;
- b) doprinos projekta ekonomskom razvoju;
- c) doprinos projekta društvenom razvoju;
- d) doprinos projekta razvoju civilnog društva;
- e) doprinos projekta borbi protiv korupcije;
- f) doprinos projekta jačanju kapaciteta institucija Distrikta;
- g) doprinos projekta odgovoru na katastrofe i vanredne situacije.

Komisija nakon bodovanja prijava sačinjava rang-listu korisnika grant sredstava za sufinansiranje na osnovu zbira ukupnih bodova svake pojedinačne prijave.

U slučaju da dvije ili više prijave imaju jednak broj bodova, osnova za rangiranje će biti ostvaren bolji ukupan rezultat u odnosu na druge prijave za kriterije prema sljedećem rasporedu: doprinos projekta u procesu evropskih integracija i međunarodne saradnje, doprinos projekta ekonomskom razvoju, doprinos projekta društvenom razvoju, doprinos projekta razvoju civilnog društva, doprinos projekta borbi protiv korupcije, doprinos projekta jačanju kapaciteta institucija Distrikta, doprinos projekta odgovoru na katastrofe i vanredne situacije.

X. Utvrđivanje prijedloga programa utroška sredstava

Prijedlog programa utroška sredstava sačinjava komisija na osnovu rang-liste.

U slučaju da ne postoji dovoljno sredstava za sufinansiranje projekata za sve bodovane prijave, prijedlog programa utroška grant sredstava obuhvata najbolje rangirane prijave u skladu s raspoloživim sredstvima na organizacionom kodu 3103001, na ekonomskom kodu 614300 na dan utvrđivanja prijedloga programa utroška sredstava.

U slučaju da sredstva na organizacionom kodu 3103001, na ekonomskom kodu 614300 nisu dovoljna za sufinansiranje cjelokupnog zahtjeva posljednje rangirane prijave koja ispunjava uslove za uvrštavanje u prijedlog programa utroška grant sredstava, u prijedlogu programa utroška grant sredstava navedeni zahtjev za sufinansiranje bit će smanjen do iznosa raspoloživosti grant sredstava.

Prijedlog odluke o programu utroška sredstava upućuje se Vladi Distrikta na razmatranje i odobrenje putem Odjeljenja za evropske integracije i međunarodnu saradnju.

U slučaju da grant sredstva za sufinansiranje projekata nisu dovoljna za sve bodovane prijave, Vlada može u skladu s rang-listom izvršiti umanjeње iznosa granta za sufinansiranje pojedinačnih projekata.

XI. Ugovor o sufinansiranju

Grant sredstva za sufinansiranje projekata odobrenih Programom utroška sredstava za sufinansiranje projekata po javnom pozivu dodjeljuje šef Odjeljenja za evropske integracije i međunarodnu saradnju posebnom odlukom o dodjeli grant sredstava, uz prethodno provedenu proceduru javnog poziva za dodjelu grant sredstava za sufinansiranje projekata.

Nakon donošenja odluke o dodjeli grant sredstava, šef Odjeljenja za evropske integracije i međunarodnu saradnju, u ime ugovornog organa, s izabranim korisnicima grant sredstava za sufinansiranje projekata zaključuje ugovor o sufinansiranju (u daljnjem tekstu: ugovor).

Ugovor obavezno sadrži:

- a) podatke o ugovornim stranama;
- b) naziv projekta za čije je provođenje odobreno sufinansiranje;
- c) visinu dodijeljenih sredstava i rokove isplate;
- d) strukturu troškova koji se finansiraju iz granta za sufinansiranje projekta;
- e) vremenski rok za izvršenje ugovora;
- f) način praćenja i nadzor realizacije projekta;
- g) obaveze korisnika grant sredstava u vezi s provođenjem projekta, uključujući i način podnošenja izvještaja o provođenju projekta;
- h) način rješavanja sporova iz ugovora.

XII. NADZOR

Nadzor nad provođenjem projekta vrši se:

- a) praćenjem realizacije projektnih aktivnosti i neposrednim uvidom u provođenje odobrenog projekta za sufinansiranje;
- b) dostavljanjem izvještaja korisnika projekta.

Gradonačelnik će na prijedlog nadležnog organa javne uprave u koordinaciji s Odjeljenjem za evropske integracije i međunarodnu saradnju posebnom odlukom imenovati lice iz organa uprave nadležnog za oblast u okviru koje se realizuju projektne aktivnosti, koje će vršiti nadzor praćenjem realizacije projektnih aktivnosti i neposrednim uvidom u provođenje odobrenog projekta za sufinansiranje.

Odjeljenje za evropske integracije i međunarodnu saradnju vrši nadzor nad korištenjem sredstava za sufinansiranje projekata na osnovu dostavljenog izvještaja implementatora projekta.

Korisnik grant sredstava dužan je dostaviti finalni izvještaj o utrošku grant sredstava dodijeljenih za realizaciju projekta u roku od 30 dana od okončanja projekta.

U slučaju kada se projektne aktivnosti ne završavaju u tekućoj fiskalnoj godini, korisnik grant sredstava dostavlja Odjeljenju za evropske integracije i međunarodnu saradnju privremeni izvještaj o utrošku grant sredstava najkasnije 30 dana po isteku tekuće fiskalne godine.

Izvještaj o utrošku dodijeljenih grant sredstava obavezno sadrži:

- a) informaciju na koji se period odnosi izvještaj;
- b) opis provedenih projektnih aktivnosti za koje su odobrena grant sredstva za sufinansiranje;
- c) strukturu i iznos troškova finansiranih odobrenim grant sredstvima za sufinansiranje po odobrenim stavkama;
- d) obrazloženje eventualnog odstupanja u kontekstu dinamike realizacije projektnih aktivnosti ili odobrene strukture troškova koji se finansiraju iz grant sredstava za sufinansiranje projekta;
- e) preduzete mjere na otklanjanju eventualnog odstupanja;
- f) rezultate projekta s posebnim osvrtom na Distrikt.

Uz izvještaj se dostavljaju i kopije računa odnosno drugi dokazi kojima se vrši pravdanje troškova finansiranih odobrenim grant sredstvima za sufinansiranje po odobrenim stavkama uključujući i dokaz o eventualnom povratu neutrošenog iznosa dodijeljenih grant sredstava za sufinansiranje.

Ukoliko korisnik grant sredstava ne utroši u potpunosti dodijeljena grant sredstva za sufinansiranje projekta, neutrošeni iznos grant sredstava dužan je uplatiti u korist jedinstvenog računa Distrikta.

Korisnik grant sredstava dužan je tokom provođenja projekta, na zahtjev Odjeljenja za evropske integracije i međunarodnu saradnju, dostaviti sve tražene informacije o projektu kao i finansijsku dokumentaciju u vezi s odobrenim utroškom grant sredstava za sufinansiranje.

U slučaju opravdanih razloga prouzrokovanih višom silom koji utiču na dinamiku realizacije projektnih aktivnosti ili odobrenu strukturu troškova koji se finansiraju iz grant sredstava za sufinansiranje projekta korisnik grant sredstava dužan je dostaviti informaciju s prijedlogom mjera.

U slučaju neizvršenja obaveza iz ugovora o sufinansiranju, davanja neistinitih podataka, neopravdanog nenamjenskog trošenja grant sredstava, nepravovremenog ispunjavanja odobrenog projekta za sufinansiranje koje nije prouzrokovano razlozima više sile kao i u slučaju povreda drugih bitnih odredbi ugovora, šef Odjeljenja za evropske integracije i međunarodnu saradnju može pokrenuti prijedlog za raskid ugovora i povrat sredstava s pripadajućom zakonskom zateznom kamatom.

XIII. Javni poziv je otvoren u periodu od 7. do 18. oktobra 2019. godine i bit će objavljen na zvaničnoj web stranici Vlade Brčko distrikta Bosne i Hercegovine i na oglasnoj ploči u zgradi Vlade. Elektronska verzija prijave sa zahtjevom za sufinansiranje projekta može se preuzeti na zvaničnoj web stranici Vlade Brčko distrikta BiH www.bdcentral.net.

Prijavu sa zahtjevom za sufinansiranje projekta, zajedno sa cjelokupnom projektnom dokumentacijom u obliku u kojem je odobrena od donatora i rješenjem o registraciji pravnog subjekta izdatim od Osnovnog suda u Brčkom dostaviti do navedenog roka u zatvorenoj koverti s naznakom: „Prijava na javni poziv za dodjelu grant sredstava za sufinansiranje projekata Evropske unije i drugih donatora **u 2019. godini** – NE OTVARAJ“ putem protokola Vlade Brčko distrikta BiH ili putem pošte, naznačeno na adresi:

Vlada Brčko distrikta BiH
Odjeljenje za evropske integracije i međunarodnu saradnju
Bulevar mira 1
76100 Brčko distrikt BiH

**Šef Odjeljenja za evropske integracije
i međunarodnu saradnju**

Miroslav Geljić

PRIJAVA SA ZAHTJEVOM ZA SUFINANSIRANJE PROJEKATA

Napomena Prijava sa zahtjevom za sufinansiranje projekta mora biti dostavljena na predviđenom obrascu i popunjena na ispravan način. Podaci u prijavi moraju biti u potpunosti ispunjeni.	
PODACI O PODNOSIOCU ZAHTJEVA	
Naziv organizacije	
Datum podnošenja prijave	
Sjedište organizacije/mjesto registracije	
Ime i prezime ovlaštenog lica (potpisnik prijave)	
PODACI O PROJEKTU	
Naziv projekta	
Donator(i) sredstava za projekat	
Projekat ima neprofitan karakter (da/ne)	
Osigurano finansiranje iz: (označiti jedan od ponuđenih odgovora)	a) Instrumenta pretpristupne pomoći (IPA); b) programa Evropske unije u kojima učestvuje Bosna i Hercegovina; c) programa bilateralne pomoći dostupnih Bosni i Hercegovini; d) programa multilateralne pomoći dostupnih Bosni i Hercegovini; e) programa drugih međunarodnih i domaćih organizacija i institucija.
Period trajanja projekta (početak/završetak)	
Projektne aktivnosti u skladu s odobrenim projektom	

PODACI O PROJEKTOJ TERITORIJI	
Projektno područje na kojem se provode projektne aktivnosti	
Naziv i opis projektnih aktivnosti koje se realizuju u Brčko distriktu Bosne i Hercegovine	
DOPRINOS PROJEKTA	
Opisati na koji način projekat doprinosi procesu evropskih integracija i međunarodne saradnje	
Opisati na koji način projekat doprinosi ekonomskom razvoju	

Opisati na koji način projekat doprinosi društvenom razvoju	
Opisati na koji način projekat doprinosi razvoju civilnog društva	
Opisati na koji način projekat doprinosi borbi protiv korupcije	
Opisati na koji način projekat doprinosi jačanju kapaciteta institucija Brčko distrikta Bosne i Hercegovine	
Opisati na koji način projekat doprinosi odgovoru na katastrofe i vanredne situacije	

PODACI O BUDŽETU PROJEKTA

Napomena: Nedostajući iznos sredstava predstavlja dio troškova budžeta projekta odobrenog od strane donatora za koji nisu osigurana sredstva iz drugih izvora, isključujući vlastite izvore podnosioca zahtjeva koji mogu biti sufinansirani iz sredstava za sufinansiranje.

Ukupan iznos odobrenog budžeta projekta od strane donatora iskazan u konvertibilnim markama			
Izvori finansiranja u skladu s ukupnim iznosom odobrenog budžeta projekta navedenim u odobrenoj projektnoj dokumentaciji	<i>Naziv izvora finansiranja</i>	<i>Nominalni iznos finansiranja izražen u konvertibilnim markama</i>	<i>Procentualni iznos finansiranja (%)</i>
		Ukupno: _____ KM	100%

ZAHTJEV ZA SUFINANSIRANJE PROJEKTA

Napomena

Najviši nominalni iznos granta za sufinansiranje projekta koji se može dodijeliti iznosi 15.000,00 KM.

Mogu se sufinansirati samo troškovi za nedostajući iznos sredstava koji predstavlja dio troškova budžeta projekta odobrenog od strane donatora za koji nisu osigurana sredstva iz drugih izvora, isključujući vlastite izvore podnosioca zahtjeva koji mogu biti sufinansirani iz sredstava za sufinansiranje.

Grant za sufinansiranje projekta se može odobriti samo za projektne aktivnosti koje se realizuju poslije zatvaranja javnog poziva za dodjelu grantova za sufinansiranje projekata.

U zahtjevu za sufinansiranje se mogu navesti samo troškovi koji nastaju realizacijom projektnih aktivnosti na području Brčko distrikta BiH u periodu nakon zatvaranja javnog poziva za dodjelu grantova za sufinansiranje projekata.

Nominalni iznos zahtjeva za sufinansiranje prema Vladi Brčko distrikta BiH	
Procentualni iznos sredstava koji se traži u odnosu na ukupan odobreni budžet projekta	
Projekat nije ranije bio sufinansiran iz budžeta Brčko distrikta BiH (da/ne)	

Ovim izjavljujem da sam svjestan posljedica davanja netačnih i neistinitih podataka u

ovoj prijavi i dobrovoljno izjavljujem pod punom moralnom, materijalnom i krivičnom odgovornošću da su svi podaci navedeni u prijavi potpuni i tačni.

Ime i prezime ovlaštenog lica: _____

Mjesto potpisa ovlaštenog lica i pečat

OBAVEZNI PRILOZI UZ PRIJAVU:

- cjelokupna projektna dokumentacija u obliku u kojem je odobrena od donatora (*)
- rješenje o registraciji pravnog subjekta izdato od Osnovnog suda u Brčkom (*)

Struktura troškova koji bi se finansirali iz granta za sufinansiranje za period naznačen u napomeni (*)				
Naziv aktivnosti/ podaktivnosti u skladu s odobrenim projektom	Vremensko trajanje (okviro) aktivnosti/ podaktivnosti za koje se traži sufinansiranje	Nosioci, partneri i korisnici projektne aktivnosti/podaktivnosti za koje se traži sufinansiranje	Vrsta troška/opis troška	Nominalni traženi iznos za sufinansiranje (KM)
UKUPNO:				